

ԱՐԶԱՆԱԳՐՈՒԹՅՈՒՆ
ԺՈՒՌՆԱԼԻՍՏԻԿԱՅԻ ՖԱԿՈՒԼՏԵՏԻ ԳԻՏԽՈՐՀՐԴԻ
2025 թ. դեկտեմբերի 4-ի թիվ 3 նիստի

Գիտխորհրդի նախագահ Ն. Մարտիրոսյանն առաջարկեց հաստատել նիստի օրակարգը: Բաց քվեարկությամբ ներկաները միաձայն կողմ քվեարկեցին:

ԼՍԵՑԻՆ- Հրավիրյալ պրոֆեսորի այցի արդյունքների մասին Տ. Միսյանի հաղորդումը:

Նշվեց, որ Թուրինի համալսարանի պրոֆեսոր Մասսիմո Լեոնեն ԵՊՀ ներքին դրամաշնորհի շրջանակում 30 ժամ դասախոսել է 4-րդ կուրսում: Ուսանողները մեծ հետաքրքրություն են ցուցաբերել դասախոսությունների նկատմամբ:

ԱՐՏԱՀԱՅՏՎԵՑԻՆ- Ա. Մենեմշյան, Դ. Պետրոսյան, Ա. Երզնկյան, Զ. Սարգսյան:

ՈՐՈՇԵՑԻՆ. – Հաղորդումն ընդունել ի գիտություն:

ԼՍԵՑԻՆ- «Լրագրություն» կրթական ծրագրի բարելավման աշխատանքների մասին ծրագրի ղեկավար Ա. Մենեմշյանի հաղորդումը:

Ա. Մենեմշյանը նշեց, որ 2025թ. հոկտեմբերից մեկնարկել են ԵՊՀ «Լրագրություն» բակալավրի կրթական ծրագրի բարելավման աշխատանքները, որոնք այս փուլում կենտրոնացել են ծրագրի միջազգային համադրելիության գնահատման և տվյալահեն վերլուծական հիմքի ձևավորման վրա: Կատարվել է միջազգային բենչմարք ShanghaiRanking-ի Communication (Journalism & Media) ուղղության առաջատար 30 համալսարանների բակալավրի կրթական ծրագրերի համադրական ուսումնասիրությամբ:

Աշխատանքային խումբը վերլուծել է նշված համալսարանների համապատասխան կրթական ծրագրերի կառուցվածքը, նպատակներն ու վերջնարդյունքները, ինչպես նաև առարկայական ցանկերը: Բենչմարքի շրջանակում քարտեզավորվել են ծրագրի բարելավման ենթակա 17 դասընթացներին համարժեք միջազգային մոդուլները, հավաքագրվել և համակարգվել են հասանելի ուսումնական պլանները, որոնք տեղադրվել են ընդհանուր աշխատանքային առցանց հարթակում: Բոլոր նյութերը թարգմանվել և փոխանցվել են նաև միջազգային փորձագետին խորհրդատվության համար:

Վերլուծության արդյունքում արձանագրվել է, որ ԵՊՀ «Լրագրություն» կրթական ծրագիրը իր հիմնական կառուցվածքով և թեմատիկ ուղղություններով ընդհանուր առմամբ համադրելի է միջազգային առաջատար ծրագրերին: Միևնույն ժամանակ ի հայտ են եկել մի շարք բովանդակային բացեր՝ մասնավորապես տվյալների լրագրության, սոցցանցային լրագրության, AI-ի կիրառման, լսարանի վերլուծության և միջմշակութային հաղորդակցության ուղղություններով, որոնք պահանջում են համակարգային վերանայում:

Այս փուլում կատարված աշխատանքները ստեղծել են ամուր, տվյալահեն հիմք ծրագրի բովանդակային վերափոխման հաջորդ փուլի համար, որը կիրականացվի դասախոսների անմիջական մասնակցությամբ:

Բոլոր 17 դասընթացների դասախոսներին ուղղվել է պաշտոնական նամակ, որով նրանց տրամադրվել է մուտք միջազգային բենչմարքի նյութերին և բացվել է իրենց դասընթացների ուսումնական պլանները խմբագրելու հնարավորություն: Դասախոսներին առաջարկվել է մինչև դեկտեմբերի վերջ վերանայել և արդիականացնել դասընթացների նպատակները, վերջնարդյունքները, թեմատիկ կառուցվածքը և գրականության ցանկը՝ միջազգային լավագույն փորձի հիման վրա:

ԱՐՏԱՀԱՅՏՎԵՑԻՆ. - Ն. Մարտիրոսյան, Դ. Պետրոսյան, Ք. Ալագույան, Ն. Վարդանյան:

ՈՐՈՇԵՑԻՆ. - Հաղորդումն ընդունել ի գիտություն:

ԼՍԵՑԻՆ. - Բակալավրիատի հեռակա ուսուցման 5-րդ կուրսի ավարտական աշխատանքների թեմաները և գիտական ղեկավարներին հաստատելու հարցը:

Ն. Մարտիրոսյանը տեղեկացրեց, որ 2025/26 ուստարում հեռակա ուսուցման 5-րդ կուրսում սովորում է 12 ուսանող, ապա առաջարկեց հաստատել ավարտական աշխատանքների թեմաները և գիտական ղեկավարներին:

ԱՐՏԱՀԱՅՏՎԵՑԻՆ. - Դ. Պետրոսյան, Ա. Մենենշյան, Գ. Աբրահամյան:

ՈՐՈՇԵՑԻՆ. - Հաստատել ներկայացված թեմաները և գիտական ղեկավարներին:

ԼՍԵՑԻՆ. - Ավարտական աշխատանքների կատարման ընթացքի մասին Դ. Պետրոսյանի և Տ. Սիմյանի հաղորդումը:

Դ. Պետրոսյանը և Տ. Սիմյանը տեղեկացրին, որ գործընթացը բնականոն հունով ընթանում է, պարբերաբար ամփոփներում հանդիպումներ են տեղի ունենում գիտական ղեկավարների հետ:

ԱՐՏԱՀԱՅՏՎԵՑԻՆ. - Ն. Մարտիրոսյան, Ա. Մենենշյան, Ս. Պետրոսյան, Վ. Պետրոսյան, Ք. Ալագույան:

ՈՐՈՇԵՑԻՆ. - Հաղորդումն ընդունել ի գիտություն:

ԼՍԵՑԻՆ. - Մագիստրոսական թեզերի կատարման ընթացքի մասին «Հեռուստալրագրություն» կրթական ծրագրի ղեկավար Ն. Վարդանյանի հաղորդումը:

Ն. Վարդանյանը նշեց, որ առաջիկայում ԵՊՀ ուսուցման էլեկտրոնային կառավարման հարթակում կբացվի մագիստրոսական թեզերին վերաբերող հատվածը: Ինչպես նախորդ տարի, այս տարի ևս թեզերի ատեստավորումը իրականացվելու է այդ հարթակում: Նա ներկաներին տեղեկացրեց, որ գործընթացը դարձյալ փուլային է լինելու՝ վերջնաժամկետների հստակ պահպանմամբ:

Վարդանյանը հորդորեց խստորեն հետևել դրանց՝ հնարավոր խնդիրներից խուսափելու համար:

ԱՐՏԱՀԱՅՏՎԵՑԻՆ.- Ն. Մարտիրոսյան, Դ. Պետրոսյան, Ա. Մենեմշյան, Ք. Ալազուրյան, Մ. Կարապետյան, Զ. Սարգսյան:

ՈՐՈՇԵՑԻՆ. – Հաղորդումն ընդունել ի գիտություն:

ՆԻՍՏԻ ՆԱԽԱԳԱՀ

Ն. Ն. ՄԱՐՏԻՐՈՍՅԱՆ

ՔԱՐՏՈՒՂԱՐ

2.2. ՄԱՐԳՍՅԱՆ

